

ভক্তি

শ্রীআনন্দমোহন রায়

তৃতীয় বার্ষিক শ্রেণী ।

ভক্তি বিহনে নাই মুক্তি এ ভবে ।

জ্ঞানিজন মুখে ইহা শুনি বার বার,

আকুল হৃদয়ে তাই জিজ্ঞাসিছু সবে

ভক্তি কিবা কিসে হয় তাহার সঞ্চার ?

লইয়া এ তৃষা প্রাণে ঘুরি কত স্থানে

কেহ নাহি শান্তিবারি করিল প্রদান,

ডাকিলাম পরমেশে সম্ভাপিত প্রাণে

মিটাও এ তৃষা দেব ! দিয়া এ সন্ধান ।

হেরি এক যোগিবর স্বপন মাঝারে

বহাতেজ পূজা দেন প্রশান্ত মূর্তি,

সহসা হৃদয়ে হল আনন্দ সঞ্চার

রোমাঞ্চিত সর্ব অঙ্গ করিছু প্রণতি ।

অমনি নয়নদ্বয়ে বহে অশ্রুধার

কহিলেন যোগিবর, 'এই ত' ভক্তি !
